

# MAJLIS PELANCARAN IHYA' RAMADHAN TAHUN 2019M/1440H

[airforce.mil.my/berita/acara-rasmi/4929-majlis-pelancaran-ihya-ramadhan-tahun-2019m-1440h-atm](http://airforce.mil.my/berita/acara-rasmi/4929-majlis-pelancaran-ihya-ramadhan-tahun-2019m-1440h-atm)

KUALA LUMPUR. Majlis Pelancaran Ihya' Ramadhan Tahun 2019M/1440H telah disempurnakan oleh Panglima Angkatan Tentera, Jen Tan Sri Dato' Seri Panglima Hj Zulkifli bin Hj Zainal bertempat di Masjid Khalid Al-Walid hari ini.

Acara tahunan yang dianjurkan oleh Jabatanarah KAGAT ini adalah bertujuan bagi menimbulkan semangat suka menderma dikalangan warga ATM dan Kementerian Pertahanan. Tabung Ihya Ramadhan pada tahun ini telah diagihkan sebulan yang lalu dan jumlah kutipan sehingga hari ini adalah berjumlah RM31,367.00.

Menyemarakkan program Ihya' Ramadhan pada bulan Ramadhan 1440H, pihak Tabung Zakat ATM telah menyampaikan sumbangan sebanyak RM1,000.00 kepada 58 buah Masjid dan Surau Jumaat ATM serta RM500.00 untuk 227 buah surau ATM dengan jumlah sumbangan adalah berjumlah RM117,500.00.

Tabung Zakat ATM juga telah memberikan sumbangan sebanyak RM40,000.00 kepada Sekolah Tahfiz Anak-anak Yatim ATM (STAY ATM) bagi menampung segala keperluan dan perbelanjaan mereka. Turut diadakan perasmian Gerobok Rezeki Masjid Khalid Al-Walid.

